



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm VI. Cùm dilectus.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

pericolo grauis mali incurriendi; ideoque meus grauis excusat à præceptis, & censuris Ecclesiasticis; non tamen in tali casu, quo directè agitur de defendendo honore Dei, Fidei veritate, aut Ecclesiæ potestate, sicuti docui lib. 1. Th. mor. tr. 4. c. 4.n. 6. & seqq. & tr. 5. p. 1.c. 5. coroll. 5.

ge prohibita sunt, ut carnes die Veneris medere, cum excommunicatis in sacris, aut politicis negotijs communicare; dummodo id non fiat in Fidei, Religionis, aut potestatis Ecclesiasticae contemptum, ut suprà dixi. Vide Abb. hic n. 5. & quæ dicta sunt lib. 4. Th. mor. tr. 2. c. 8. princ.

NOTANDVM I. Si propriè loquendum sit, disserimen est inter violentiam, seu coactionem, & metus illationem. Nam qui violentiam, seu coactionem patitur, absolute iniucus est; cum non agat ipse, sed agatur: ut si aliquis in loco auribus aut oculis aperitis, per vim detineatur, is cogitur adesse, audire, videre. Qui autem metu adactus agit, quod alioquin non ageret, v. g. vt Misera, vel concioni assistat, is simpliciter iniucus non est, sed potius volens. Est tamen iniucus secundum quid, seu conditionaliter; nolle, nisi malum maius timerem. Ita hanc rem bene explicat Ioan. Andr. hic n. 15.

NOTANDVM IV. Qui ob metum ab extrinseco illatum peccat, minus delinquit, quam si nullo cogente metu malum agat. Ut si quis mortis metu adigatur ad matrimonium cum consanguinea sua non tantum contrahendum, sed etiam consummandum. Quamvis & iste mortaliter peccet, minus tamen, quam si metus abesset. Quia quod metu fit, minus voluntariè fit, hoc ipso, quod inuoluntarium admixtū habet: consequenter minus peccatum est. Quare & in extero foro mitiū puniendus est, qui ob metum deliquit, quam si sponte, vti Abb. hic mgnet n. 2.

CAPITVLVM VI.

Cùm dilectus.

PÄRÄPHRÄSIS.

Canonici in Insulis habitantes votum iuratum ediderunt, quod regulam Cistertianum assumere, & suam Ecclesiam eidem Ordini incorporari, quantum in ipsis esset, permittere vellent. Postea vero penitentiā ducti restituī se, ac liberati petebant, allegantes metum & dolum, quo inducti fuerint ad tale votum, ac iuramentum edendum. Sed Innoc. respondit; cum hoc iuramentum in salutis dispendium non vergat, obseruandum esse; neque permittendum, vt periurijs via aperiatur. Neque causam sufficientem adesse restitutionis in integrum: Quod enim metum allegant, constat cum non fuisse mortis, aut corporis cruciatus, vel similem, qui in virū constantem cadat. Quod vero dolo se inductos asserunt, ea non tam circumuentio, quam fatuitas ipsorum confonda est.

SYM-

SUMMARIUM.

1. *Iuramentum promissorium erga hominem omnimodè & sine spe relaxationis seruari debet, si sine dispensio salutis aeterna seruari potest, nisi causa iuramenti data fuerit per metum, vel propriè dictam deceptionem.*
2. *Tale iuramentum non debet, & ordinariè non potest relaxari, nisi per plenitudinem potestatis Pontificiæ ex causa grauissima.*
3. *Iuramentum promissorium per metum grauem licet iniuste extortum obliget, non tamen omnimodè & efficaciter, cum relaxatio iuramenti possit impetrari.*
4. *Idem est, si metus leuis fuit incusus ab ipsòmet promissario.*
5. *Dolus malus propriè est machinatio quadam ad alterum (prudentem) decipiendum accommodata.*
6. *Homini simplici decepto non succurratur in foro externo, nisi simplicitas & deceiptio sit inuincibilis, tum quidem ei succurritur quandoque iudicis officio per restitutionem in integrum, non autem per actionem de dolo.*

Etiam iste casus satis explicatus non est; cùm in specie non dicatur, quidnam metuerint Canonici, aut quanam calliditate induiti fuerint ad votum, & iuramentum. Sed ex response Innoç. III, colligitur, metum grauem fuisse, & deceptionem potius passiuam, quam actiuam.

NO T A N D V M Vn. Iuramentum promissorium erga hominem omnimodè, & sine spe relaxationis seruari debet, si sine dispensio salutis aeternæ seruari possit: nisi grauus, metus, aut propriè dicta deceiptio causam iurandi præbuerit. Ita etiam habetur in c. 2. de pastis, in 6.

Aduerte autem primò: Quòd sermo sit de iuramento promissorio erga hominem, seu in utilitatem hominis tendens, quale fuit istorum Canoniconum, iurantium Cisterciensibus, quòd eorum regulam assumere, & Ecclesiam suam Ordini adiungere vellent.

Cùm enim per tale iuramentum ius homini acquisitum sit, non debet, & ordinariè non potest relaxari; nisi per plenitudinem potestatis Pontificiæ ex causa grauissima, vt docet Sanchez lib. 3. moral. c. 21. n. 2. & videri possunt, quæ dixi lib. 4. tr. 3. c. 11. n. 5. Quòd si Canonici illi votum, quamvis iuratū, solidi Deo concepissent, tum facilius dispensationem impetrare potuissent. Quia Deus soluendi ac ligandi potestatem Ecclesiæ concessit, ideoque ius suum remittere censetur, si Pastor Ecclesiæ ita expedire iudicet ad animarum salutem.

Aduerte secundò, quod dixi: Si iuramentum absque salutis dispensio seruari possit. Nam si iuramentū sit de re illicita, seu de eo, quod absque peccato impleri nequeat, tum ab initio nullam obligationem habet, vt docui eod. tr. 3. c. 6. n. 1.

Aduerte tertio: Quòd excipitur metus; grauus. Id verò non ita intelligi debet, quòd promissorium iuramentum per metum grauem, etiam iniuste extortum non obliget; sed quòd non obliget omnimodè, & efficaciter, cùm relaxatio iuramenti possit impetrari. Ita habetur in c. si verò, 8. de iureiur. Sed quid dicendum, si metu non graui, sed leui iniuste incusso aliquis inductus sit ad iuramentum promissorium, vt rùm relaxatio ordinariè (seu extra plenitudinem potestatis Pontificiæ) concedi possit etiam ab Episcopo? Negant Abb. h. c. n. 10. Felinus c. 2. n. 3, de iureiur. Sanchez lib. 4. de matrim. disp. 20. n. 9. Syl. ver. iuramentum, 4. q. 7. in fine, arg. huius c. & cit. c. si verò & l. metum, s. hoc tit. vbi dicitur; Metum accipendum hic esse non quemuis timorem, sed maioris malitias.

Nihilominus affirmant Hostiens. & Ioan. Andr. inc. verum, n. 6. ibid. Abb. sibi contrarius, n. 3. Alex. de Neu. n. 7. & 8. de iureiur. Conar. reg. peccatum, p. 2. §. 3. n. 7. Et hac sententia mihi placet, si ipsem et promissarius metum iniustum, quamvis leuem incusit, quòd in odium eius, ne ex propria iniustitia commodum ferat, iuramentum à Iudice relaxari possit. Ratio est: Quia cùm ius efficax promissario iniusto acquisitum non sit, in conscientiæ enim foro læsum in integrum

grum restituere cogitur) consequens est, nullam illi iniuriam fieri, si iuramentum relaxetur.

Ad argum. ex hoc c. desumptum, resp. Non constare, quod in casu huius c. metus aliquis, quamvis leuis, ab ipsis Cisterciensibus Monachis iniustè incussus fuerit, ad extorquendum iuramentum. Ad c. si verò, & i. metum, s. f. hoc sit, respond. duabus de causis iure tum ciuili, tum canonico ponderari, utrum metus leuis fuerit, an grauis. Prima est: Quia ut promissio per metum extorta recindi possit, requiritur, ut metus in voluntarium mixtum efficerit, quia promittens noluisset promittere, nisi coactus fuisset. Id autem facile præsumitur, aut probatur, si metus grauis sit, & cadens in virum constantem. Secunda. Quia metum passo. Prætor actionem *Quod metus causa non impertitur*, nisi fuerit grauis, seu iustus. Interim tamen iudex, etiam sine intentata aetione, ex officio suo succurrere potest iniuste laeso per metam leuem, ut eum in integrum restituat, relaxato iuramento, sicuti bene docet Alex. de Neuo cit. n. 8. & Gl. hic ver. metu mortis, & docui lib. 3. tr. 4. c. 6. assert. 3. Multò verò magis pro conscientiae foro Prgelatus, v. g. Episcopus iuramentum in tali casu relaxare poterit, ad hunc finem, ut iniustum, quamvis leuem metum passus contra exigentem promissa per exceptionem se defendere possit, sicuti docet Sanchez cit. loco.

Aduerte quartò: Quod dolus malus sit machinatio quædam ad alterum decipiens accommodata, l. 1. s. Dolum, s. f. de dolo malo, & Seruius apud Cic. lib. 3. de offic. Cum verò machinatio, aut operatio quæcumque accommodata non est ad decipientes prudentes, & cordatos, tam si quispiam decipiatur, non est propriè dulos, sed simplicitas ac fatuitas seipsum decipiētis. Quamobrem tali homini in foro externo non succurritur, vt ex hoc c. colligitur, & notauit hio Abb. n. 12. Imola n. 2.

Ceterum si simplicitas, & deceptio inde orta in homine sit inuincibilis, tunc credibile est, in foro conscientiae ita deceptum defensere se posse: Infò in externo etiam foro

Iudicis quandoque officio succurri per in integrum restituionem. Etenim plerumque culpà non vacat, qui cum tali homine contrahit. Sed aetioni de dolo (in qua condemnatus infamis efficitur) locus hic non erit, cum dulos propriè admissus non sit, ut supra dictum.

CAPITVLVM VLT.

Super eo.

PARAPHRASIS.

Si quis per testes legitimè probauerit, se à quibusdam spoliatum esse, rectè faciet Iudex, si spoliato iuramentum facere permittat, quanti res amissas. dannumque suum aestimet; & ad hoc spoliatores condemnet: præcedente tamen taxatione, quæ fieri debet pro personarum, & negotij qualitate.

SUMMARIUM.

1. Si constet, vel probatum sit, quæquam per vim iniustum esse lesum, quantitas & aestimatio lesionis per iuramentum lessi, prævia iudicis taxatione probari potest.
2. Ad hoc tamen iuramentum non facilè deueniendum est, si per testes, etiam domesticos (qui in hoc casu sunt admittendi) probatio haberi potest.
3. Neque locus est iuramento huic veritatis, seu vere aestimationis, si non contra ipsum, qui violentiam intulit, sed contra alium instituatur, nec violentie, nec dolii participem.
4. Si iuramentum hoc deferendum est à iudice, defiri ab eo id debet audito lessi, & prius taxatione quantitate.

NO T A N D V M Vn. Si constet, vel probatum sit, per vim iniustum quippiam ablatum esse, tum quantitas & aestimatio rerum ablatarum per iuramentum lessi, præcedente iudicis taxatione, probari potest. Et dicitur hoc iuramentum veritatis seu vera aestimationis, ut dixi lib. 4. tr. 3. c. 5. n. 1. s. alterū.

K k k k k Sum.